



Inatsisartunut ilaasortaq
Michael Rosing
Demokraatit
/Maani

Ulloq 21. oktober 2015 nalunaaquttap akunnerani apeqquteqarnerup nalaani nunani tamalaani biilernermet allagartaq pillugu apeqqummut akissuteqaat

05-11-2015
Sags nr. 2015 - 14382
Akt. nr. 1444072

Asasara Michael Rosing,

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

Inasisartuni ulloq 21. oktober 2015 nalunaaquttap akunnerani apeqquteqaateqarnerup nalaani nunani tamalaani biilernermet allagartaq pillugu aammalu kalaallit innuttaasut nunani tamalaani biilernermet allagartartaarsinnaalernissaannut Naalakkersuisut pilersaarutaat pillugit apeqquteqarputit.

Aallarniutigalugu oqaatigissavara angallanneq, ilanngullugulu aamma biilernermet allagartaq, naalakkersuinikkut suliassaqarfinni Ineqarnermut, Sanaartornermut Attaveqarnermullu Naalakkersuisoqarfiup ataaniimmata. Taamaalilluni paasissutissat matuma kingulianiittut Sanaartornermut Attaveqarnermullu Naalakkersuisoqarfimmit piniarneqarput.

Nunami assartuussinermut suliassaqarfik akisussaaffigilerlugu tiguneqanngilaq. Taamaattumik Danmarki suliassaqarfimmut akisussaasuvoq – tassungalu ilaapput aamma Kalaallit Nunaanni biilernermet allagartartaarnermut aalajangersakkat.

Biilernermet allagartamik tunniussinissamut aalajangiisinnaatitaaffik politiiniippoq. Kalaallit Nunaanni biilernermet allagartaqartut Danmarkimi ullut 90-it tikillugit biilersinnaatitaapput. Taamaattoq pineqartup ukiunut piumasaqaatit Danmarkimi atuuttut naammassisimassagai piumasaqaataavoq. Tamatuma kingorna Kalaallit Nunaanni biilernermet allagartaqartup Kalaallit Nunaanni biilernermet allagartani Danmarkimi biilernermet allagartamut taarsertissavaa. Tamanna biilernermet misilitsinnermik angusinikkut pisarpoq.

Nunami tamalaani biilernermet allagartaq, biilernermet allagartap pisortatigoortumik aammalu nunani tamalaani akuerisaasumik nutserneqarneratut atuutissaaq. Nunani tamalaani biilernermet allagartaq nunani 175-it sinnerlugit amerlassuseqartuni atuuppoq aammalu nunat EU-miittut aamma nunat EØS-miittut saniatigut nunani allani biilerniaraanni pisariaqarsinnaalluni. Kalaallit Nunaanni, aatsaat Danmarkimi biilernermet allagartamik atuuttumik peqaraanni, nunani tamalaani biilernermet allagartamik tunniussisoqarsinnaavoq.

Kalaallit Nunaanni biilernermet allagartaq danskit oqartussaasuinit Danmarkimi biilernermet allagartamut naligiisinneqannglaq aammalu nunani tamalaani akuerisaanani. Biilernermet allagartap nunani tamalaani akuerisaasinnaanissaanut

piumasaqaatit arlallit naammassineqarsimasussaapput. Piumasaqaatit taakkua nunani tamalaani isumaqatigiissutit malillugit piumasaqaataapput.

Apeqqut assingusooq 2014-imi Martha Lund Olsen-imut nalunaaquttap akunnerani apeqquteqarnerup nalaani apeqqutigineqartoq tunngavigalugu, Martha Lund Olsen-ip aamma danskit inatsisunik atuutsitsineranut ministeriata 2014-imi juunimi Inatsisunik atuutsitsineranut ministereqarfimmi ataatsimiinneranni sammisaq taanna ilaatigut oqallisigineqarpoq. Ataatsimiinnermi isumaqatigiissutigineqarpoq kalaallit nunani tamalaani biilerneranut allagartartaarnissamut periarfissaat pillugit ajornartorsiut Inatsisunik atuutsitsineranut ministereqarfiup misissuiffigissagaa. Ilaqutaariinnermut, Naligiissitaanermut Isumaginninnermullu Naalakkersuisoqarfik ilisimatitsivoq 2014-imi ukiaanerani tamanna pillugu ajoraluartumik akissuteqartoqarsimanngitsoq.

Neriuppunga apeqqutit matuma siuliani akineqarsimassasoq. Biilerneranut allagartaq pillugu allanik apeqqutissaqaruit inassutigissavara Sanaartornermut Attaveqarnermullu Naalakkersuisoqarfimmut saaffiginnissasutit.

Inussiarnersumik inuulluaqqusillunga


Mala Höy Kúko